



UNIVERSITÄTS-  
BIBLIOTHEK  
PADERBORN

**Nic. Clenardi Epistolarvm Libri Dvo**

**Clénard, Nicolas**

**Antwerpen, 1566**

Nicolavs Clenardvs Domino Iacobo Latomo Svo S. D.

---

[urn:nbn:de:hbz:466:1-70781](#)

6.

NICOLAVS CLENARDVS DOMINO  
IACOBO LATOMO SVO S. D.

IN Gibalaltar, hoc est, ut Arabes vocant, ¶ ¶ Thæsi fermè mësem vnum, partim coactus tempestate, partim appetente & instante Christiano Pascha, vt Alleluia canerem in Europa, postremum forsitan illud auditurus: Deus qui omnia nouit mihi misericors adfuit in Africa. Decima Aprilis veni Septam primum Africæ oppidum. Sed hunc angustum strictumque traiectum, tanto cum metu sum expertus: vt optimè fine commentariis intelligerem illud Virgilij: Præsentemq; viris intentant omnia mortem. horis duabus gubernator occinebat in amoenam nobis cantilenam. Ariba à vela, hoc est, ad superius latus, ad inferius: cùm interrim ego iam metu præmortuus totus in sudorem solutus sum. Mox stomachus Neptuno vota credo debita persoluit, & breuiter omnibus affectus sum malis, quæ patiuntur maris insolentes. Guilielmus interea meus minister grandior, & veluti columem meæ familiæ, etsi vocem contineret, tacitus tamē votis sic agebat: vtinam haec tenus vixisse frater minor. Quòd si essem adhuc in littore, nō ingrederer nauiculam, ne proposito quidem canonici Antuerpiensi: & quamvis alioqui non sit iniquus Erasmo, tamen optabat periculis interesse Erasmum, vt videret an vota rideret nauigatiū. Quin & in me stomachabatur, qui ob steriles infructuosasq; literas, tot adirem discrimina: nisi quòd in vocem aper tam non prorupit: veritus, vt aiebat, nē maledicus in me peccaret, cùm tempus esset poenitentiæ. Erat inter rectores Gallus quidam, qui serio asseuerabat se nunquam tanto salo perfusum fuisse, etsi omnia fermè maria nauigasset: & statim initio me terruit, cùm nautas hortaretur ne tantum indulgerent velo. iam & Septensis quidam exurgentibus subinde vndarum molibus, crebrò, inquit, hoc fretum traeci, sed antehac huiusmodi fluctus vidi nunquam. Alius Lusitanus admoni-

dum peritus maris, s<sup>e</sup>penumerò crucem pingebat con-  
spectis procul grassantibus in nos móribus, nō sine mea  
suspicio. Ipse clavi moderator immaniter scisso Ne-  
ptuno, D<sup>e</sup>us, inquit, nos seruet ab isto puteo subeunte  
mihi & illo Virgiliano : His vnda dehiscens, terram in-  
ter fluctus aperit. Quid nos miseri aliud quam mortem  
ominaremur, quando sic maris incolæ timere videren-  
tur ? Post longam iactationem frustrati instituto cursu,  
delati sumus in littus, quod vulgò vocant Bullones: ibi  
terræ redditi, proiecta ancora conchas legerunt adhæ- 10  
rentes scopulis, ingratum profectò prandium meo ina-  
ni stomacho. Locus distat à Septa leucam grandem: &  
interquiescere volebant, donec sub noctem miticeret  
Eurus. Gallus, & Septensis ille quem dixi moræ impa-  
tientes (vt tum quidem putabamus) terrestri itineri se 15  
commiserunt, additis aliquot comitibus: nos interim  
expectabamus Neptunum propitium, ac non multò  
post, plusculum inualesceente Aeolo, alias adolscens  
Septensis, inuitis nautis, abire cœpit: ibi cōtinuò Gui-  
lielmus: Nónne, inquit, rem animaduertis? passim dila- 20  
buntur etiam periculorum doctissimi, & nos hic desi-  
debimus? Quid agerem? Reptandum erat per arduos  
montes, & bene fragosos neutquam peruios Theolo-  
go sandaliato: deinde & pericula non deerant propter  
Maurorum sparsas in montibus casulas, qui sic pacem 25  
dicebantur colere, vt nihilominus prædandi occasione  
noscerent. Quid tum postea, inquit Guilielmus, vel nu-  
dis pedibus effugias hodiernum metum, non agitur de  
frangendo brachio vel tibia, sed totum hominem vorat  
mare: si nos intercipiant Mauri biennio portabimus la- 30  
pides, aut agitabimus mulos, & asinos; spes tamen erit  
in principe tuo infante Henrico, ne perpetuò manea-  
mus in seruitute. Ne longum faciam, benè reclamanti-  
bus nautis iungimur tres huic adolescenti, simul etiam  
suadente illo Lusitano, qui meum metum iam viderat. 35  
Vixdum per scopulos ad radicem montis reptauim-  
us, cùm nauis rursus in altum delata est, & nos  
fermè

fermè duabus sellis exclusi sumus : Siquidem protinus  
 in limine ipso errauimus , nec via comparebat quam  
 ingredieremur , huc atque illuc duce nostro recursan-  
 te: tandem casu insemitam incidimus , & benè fuda-  
 s uimus , ego præcipue , pallio , tunica longiore , &  
 sandaliis impeditus . Cùm in ipso versaremur cacu-  
 mine , & corpore toto stillarem sudore , ministrum  
 vtrumque oneraui vestibus , vt expeditius me subdu-  
 cerem è vasta illa solitudine , in qua nihil erat cernere,  
 10 præter Maurorum collapsas domunculas . Nam & ado-  
 lescens , cùm longè à tergo relinquerer , paulisper con-  
 stitit , dum subsequentem cerneret : maneamus , inquit ,  
 pariter , nam hoc loco solet esse periculum , & meritò  
 singuli suam gestaremus lanceam . O me infelicem , qui  
 15 vix me nudum portare poteram . Quòd si adfuisset An-  
 thonus Nigrinus meus Aethiops , nihil restabat , quām  
 vt sola indutus ambulasssem subucula , vbinam erat ? Mo-  
 nuerunt me Gibalaltar , ne seruum meum abducerem  
 in Africam , quare eum remiseram Granatam , ad redi-  
 20 tum usque permansurum apud D. Marchionem cum  
 præceptore Arabico . Sed reuertainur ad montes Bul-  
 lonicos : quos vbi perreptauimus , multo adhuc sole in-  
 trauimus Septam , per omnia benedictus Deus : sera iā  
 nocte comparuit nauicula , sic tamen ut alto mari  
 25 pernoctaret . Sarcinas nostras recepimus postridie , vix  
 tandem à prandio . Aiebant nautæ multò magis fese  
 post nostrum abitum fuisse iactatos , & nobis ludū mo-  
 dò fuisse visum , nihil tempestatis seriæ . Nudiustertius  
 cùm illi Lusitano occurrissem : si , inquit , remansisses ,  
 30 timore periisses : ego qui semper ferè mare incolo ,  
 valde metui , adeò intumuit mare ferè ad turris illius  
 altitudinem , & quandoque vix salua cernebatur nauicula : primùm ad medium usque fretum reuesti , rur-  
 sum longius è cursu fuisse exclusi , & item alia multa  
 35 cōmemorabat , quę malui audire , quām corām cernere .  
 Vtinam anno proximo salius renauigē , credo non fa-  
 cile iterabo nauigationis aleam . Habes iter maritum :

C 4      si Deus

si Deus me incolumem duxerit Fesam, video & aliud  
scribendi argumentum de profec<sup>t</sup>ione terrestri: aiunt  
nobis quinque noctes agendas sine tecto, sub dio, &  
sesquidiem consumendū in altissimis rupibus. hoc Bra-  
bantino homini, & discipulo Louaniensi quid est aliud,  
quam mortis species? Orabis Deum ut me seruet inco-  
lumem, & aliquo pietatis fructu reducat ex Africa. Be-  
nē vale, colende praeceptor, cum tota familia, Latomo  
iuniore, & ceteris amicis. Commendo me precibus  
Magistrorum nostrorum. Sept<sup>em</sup>br<sup>e</sup> xv. Aprilis, Anno 10  
M. D. XL.

NICOLAVS CLENARDVS D.  
IACOBO LATOMO S. D.

15

SABBATO superiore discessimus Septa, vbi hæsi-  
mus quatriduum, ipso scilicet tempore quo Macho-  
metistæ suum celebrant Pascha. Opposui ego aliquid  
veteri proverbio: Semper aliquid noui adfert Africa.  
Siquidem multò magis me admirati sunt, quam ego il-  
los, qui iampridem narrante meo præceptore illorum  
mores didiceram. Monitus fueram ne quid vel Macho-  
metistis crederem, vel Iudæis, quorū etiam magna hīc  
est copia. Neutros metuo tum quod & sic cum illis  
agam, vt amare possint, non odisse: tum etiam quod li-  
teris mei præceptoris facti sunt certiores, quam ego il-  
lum humaniter tractem, et si captiuum. Apertè prædi-  
co me venisse descendæ linguæ gratia, & vt librorum  
mihi comparem supellectilem. esse enim iam apud  
Christianos solennem linguarum complurium profes-  
sionem: hanc deesse, velut Arabicam coronidem. mihi  
hanc suscep<sup>t</sup>am profec<sup>t</sup>ionem, vt eam apud nostros  
homines profiterer. Ego vltro ad disputandum non  
prouoco, prouocatus respondeo me nō venisse dispu-  
tandi gratia, sed descendæ linguæ Arabicæ. Illi tamen 35  
interim admirantur, cùm in colloquio me audiunt ci-  
tantem fragmenta quædam Alcorani. Superiore biduo  
tantus